



瘍科準繩

卷三下



庫	文	閣	内
函	一七九	一五	漢
架	冊	號	書

内閣文庫			
番	號	漢	12549
冊	數	78	(41)
函	號	301	62



綴じ部(喉部分)の文字等が開きが不鮮明な場所あり

嚴氏三聖丸 治癩癰

丁香 伍拾粒

蟹螯 拾箇

麝香 另研 壹錢

淺草文庫

右為末用鹽豉伍拾粒湯浸研爛如泥和前藥令
勻丸如菉豆大每服伍柒丸食前温酒送下日進
三服五七日外覺小便淋瀝是藥之効或便下如
青筋膜之狀是病之根也忌濕麵毒食

保命連翹湯

連翹

瞿麥 各壹斤

大黃 叁兩

甘草 貳兩

右剉每服壹兩水貳椀煎至壹盞半早食後巳時

服在項兩邊屬足少陽經服藥十餘日後可於臨
泣穴灸貳柴壯服藥不可往至五六十日方効
一方加大黃木通貝母一作各伍兩雄黃柒分
檳榔半兩減甘草不用同前藥為細末熟水調下參
伍錢

因必勝丸 治瘰癧不以年深月近及腦後兩邊
有小結塊連復數箇兼勞瘵腹內有塊

鯽魚壹箇去腸并子

雄黃壹塊雞子大

硃砂壹錢也上味並火

在鯽魚腹內仰安魚於炭火上燒煙盡取出

蜈蚣壹條

蓬朮半兩

梔子伍枚

皂角貳挺四末並燒存性

前藥末為丸如桐子大每服參拾丸連翹煎湯食
後服間以薄荷茶湯服

是齋立應散 治瘰癧神効已破未破皆可服

連翹

赤芍藥

川芎

當歸

甘草炙

滑石研各半兩

黃芩

白牽牛生取末

川烏尖蒸

土蜂房

蜜水洗飯上蒸乾各貳錢半

地膽去頭翅足拌米炒米

黃為度去米梓叁錢

右為細末每服抄壹大錢匕濃煎木通湯調下臨
卧服毒根從小便中出澁痛不妨毒根如粉片塊

血爛肉是也如未効再服繼以薄荷丹解其風熱
其地膽性帶毒濟以烏尖或衝上麻悶不能強制
蘇合白一寸茶清下以解之如小便澀燈心湯調
服每發散瘡處用好膏藥貼若癰疽用此宣導惡
毒本方去黃芩不用

雌雄散 治瘰癧

蟹螯 雌雄足翅全者
新九蟻焦去頭翅足 貫衆 貳錢

鶴虱 甘草

右細末作兩服飽飯後好茶濃點壹盞調下
遇仙無比丸 專治瘰癧

白朮 檳榔 防風

黑牽牛 半生半炒 蜜陀僧 郁李仁 湯泡
去皮

蟹螯 去翅足用糯米
同炒去米不用 甘草 已上各
五錢

右為細末麵糊為丸如梧子大每服貳拾丸早晚
煎甘草檳榔湯送下服至一月覺腹中微疼於小
便中取下瘰子毒物有如魚目狀已破者自合未
破者自消

射干連翹湯 治瘰癧寒熱

射干 連翹 玄參

赤芍藥 木香 升麻

前胡

山梔仁

當歸

甘草

炙各壹兩

大黃

炒貳兩

右咬咀每服叁錢水壹盞煎柒分去查入芒硝少許食後溫服日再服

括婁子散 治療癰初腫疼痛寒熱四肢不寧

括婁子

連翹

何首烏

皂角子仁

牛蒡子

微炒

大黃

微炒

白螺殼

梔子仁

漏蘆

牽牛

微炒

甘草

生各壹兩

右為細末每服貳錢匕食後溫酒調下

枳殼丸

治療瘡疽熱癰腫瘰癧

枳殼

去穰麩炒

牽牛

炒取頭末

木香

青皮

各壹兩

甘草

大黃

右為細末用皂角長壹尺許者叁挺約叁兩炮焦搗碎以好酒煮軟按取汁熬膏稠黏和前藥末為丸如梧桐子大每服叁伍拾丸食後蔥茶下日進二服

內消丸

治療瘡腫初生及癰癧結核熱毒鬱滯服之內消矣大効

內消矣大効

青皮

陳皮

各貳兩

牽牛

搗兩取頭末貳兩

薄荷葉 捌兩

皂角 捌兩用不蛀者去麤皮搥碎以冷水壹斗煮令

極軟採汁去滓熬成膏

右將青皮陳皮末并牽牛末和勻用前膏子和丸如菜豆大每服叁拾丸食後荆芥茶清溫水皆可

下

必効散 治癩癧氣血雖無虧損內有癧核未去不能愈

南硼砂 貳錢半

輕粉 壹錢

麝香 伍分

巴豆 伍粒去心膜

白檳榔 壹箇

盤螿 拾肆枚去足翅同糯

炒米

右同研極細末取雞子貳箇去黃用清調藥仍入殼內以濕紙數重糊口入飯甑候熟取出曝乾研末虛者每服半錢實者壹錢用炒生薑酒五更初調服如覺小腹痛用益元散一服其毒俱從大便出胎婦勿餌毒去後多服益氣養榮湯瘡口自合

精要云治癩癧用必効散與瓜蒌散相問服神効後有不問虛實藥用必効散殊不知盤螿性猛大毒利水破血大損元氣若氣血實者用此劫之而投補劑或可愈若虛而用此或用追蝕之劑瘀肉雖去而瘡口不

雞鳴散 治氣癧疼痛及熱毒結核或多煩悶熱而不寒者

牽牛 壹兩

胡粉 壹錢

大黃 蒸貳錢

朴硝 煉成粉者叁錢

右為細末每服叁錢雞鳴時井花水調服以利為度如未利再服

法製靈雞彈 治癩癧馬刀腋下生者

蟹螯 朱簡去頭翅足

右將雞子壹箇頂上敲開些小入藥在內紙封固了於飯上蒸熟取出去殼切開去藥五更空心米飯嚼服候小便通如米泔水狀如脂即驗也如大便小便不通却服虎珀散三二點催之然後常服後二藥尤佳

妙靈散 服前藥後却將此散與連翹丸相間常服

瘡愈方止

木香 叁錢

沉香 貳錢

牛膝

何首烏

當歸

海螵蛸

桑寄生 各壹兩

海藻 貳兩

海帶

青箱子

昆布

甘草節 各半兩

右為末每服叁錢食後溫酒調下

內消連羌丸

連翹 叁兩

漏蘆

胡桃仁

夏枯草

土瓜根

射干

澤蘭

沙參

白芨

右為末入胡桃仁研勻酒糊為丸如桐子大每服
參伍拾丸空心食前鹽酒下

玉屑妙靈散

滑石 細研為粉

右每服壹錢煎川木通湯調下

六丁神散

苦丁香 陸枚或秤半錢 白丁香 壹錢

苦參末 伍分

磨刀泥 青石者佳

赤小豆

白僵蠶 去糸嘴炒

大蟹螯 米筒去頭足炒

右六味共為細末每服壹錢重空心用無灰酒調

下

薄荷丹 解瘰癧風熱之毒自小便去宣毒後常須

服

杜薄荷

皂角 不蛀者去莖皮

連翹

何首烏 米泔浸

蔓荆子

京三稜 煨

荆芥 各壹兩

右為末好豉貳兩半以米醋煎沸灑豉淹令軟研
如糊和九桐子大每服參拾丸食後熟水下日壹

宣毒後常須
其餘

頁下... 小十三... 三七

服病雖愈常服之

四聖散 治瘰癧服白花蛇散轉利後服此藥調之
永去其根

海藻洗

石決明煨

羌活

瞿麥穗各等分

右件共為細末每服貳錢用米湯調下清水盡為
度

瞿麥飲子

治瘰癧馬刀

瞿麥穗半斤

連翹壹斤

右為粗末水煎臨卧服此藥經効多不能速驗宜
待歲月之久除也

海菜丸

治癰生於頭項上交接名蛇盤癰宜早治
之

海藻菜蕎麥炒

白殭蠶微炒去絲

右等分為細末海藻菜旋炒研篩湯泡白梅取肉
減半用所泡湯為丸如梧桐子大每服陸柒拾丸
食後臨卧米飲送下其毒自大便內泄出若與淡
菜連服為妙蓋淡菜生於海藻上亦治此病忌豆
腐雞羊酒麵日五六服

檳榔散

治氣毒瘰癧心膈壅悶不下飲食

檳榔

前胡 去蘆

赤茯苓

牛蒡子 炒各壹兩

人參 去蘆

枳殼 去穰炒

沉香

防風 去蘆各半兩

甘艸 炙錢半

右剉碎每服肆錢以水壹盞入生薑半分煎至陸分去粗空心及晚食前溫服

皂角煎丸 治風毒瘰癧

皂角 和蠶者參拾挺內拾挺炮黑拾挺酥炙拾挺用水壹鍾煮軟揉取汁用

何首烏

玄參

薄荷葉 各肆兩

右為細末以皂角汁熬膏同鍊蜜為丸如豌豆大每服參肆拾丸食後溫酒送下

祛風丸 一名何首烏丸

治風毒瘰癧

何首烏 蒸

乾薄荷葉

玄參 各肆兩為末

精羊肉 半斤

皂角 參拾挺用拾挺火燒欲過拾挺酥炙去皮拾挺水按

取汁去滓

右以皂角水煮肉使爛細研和藥為丸如梧桐子大每服貳拾丸空心溫酒或薄荷湯送

絳宮丸

大黃 酒蒸

白朮 各貳兩

山查

連翹

川芎

當歸 酒洗

麥芽

桃仁

蘆薈

甘草

芸薹子

各壹兩

黃連

酒浸

南星

酒浸

海藻

酒洗各壹兩半

升麻

羌活

桔梗

防風

各半兩

黃芩

酒炒半兩

右為末用神麩糊為丸已破加人參壹兩煎膏用

甘草節僵蠶同煎

治瘰癧結核丸藥

黃芪

米分

玄參

捌分

苦參

牛蒡子

各玖分

枳實

炒

大黃

羚羊角屑

麥門冬

去心各伍分

連翹

人參

去蘆

青木香

蒼耳子

升麻

茯苓

甘艸

桂心

朴硝

各肆分

右為細末煉蜜和丸如梧子大以酒下拾丸日夜

三四漸加至貳叁拾丸以知為度忌生冷豬肉海

藻菘菜生蔥酢蒜陳臭等物

水紅花飲

治瘰癧腫核結硬不消及膿汁傷穿不

瘡

水紅花

不拘多少一半

右粗搗篩每服貳錢水壹盞煎柒分去滓溫服食

後臨卧日參好酒調亦可

又方

牡蠣

不以多少用灰深培上以炭叁斤煨火盡取半斤為細末

甘草

取末貳兩

右研勻每服貳錢食遠以建茗同點日二服忌魚酒鮓醬油鹽海味等物

治頸上塊動者

夏枯草

陸錢

甘草

壹錢

右各另為末和勻每服壹錢至貳錢茶清調下食後

革麻子

伍箇去皮燈火上燒

黃明膠

叁文

右為末另用皂角貳挺去皮搥碎以水叁碗揉去滓煮精羊肉四兩爛軟入輕粉伍匣男子乳汁半兩同研成膏和藥末丸如菉豆大硃砂為衣溫酒侵晨下拾丸一服至晚看肉疙瘡子若項有伍箇則以五服藥取之視其所生多少以為服數既可更進數服

白花蛇散

治久漏瘰癧發於項腋間增寒發熱或

痛或不痛

白花蛇

酒浸軟去皮骨焙乾貳兩

犀角屑

頁下

瘰癧

七

青皮

黑牽牛

半生半炒以上
各半兩

右為末每服貳錢加膩粉半錢研勻五更糯米飲
調下巳時利下惡物乃瘡之根也更候十餘日并
進一服忌發風壅熱物如已成瘡一月可効神驗
小犀角丸 常服除去根本截其源流應効如神諸
癰並宜服之

犀角

青皮

黑牽牛

半生
半炒

陳皮

各壹
兩

連翹

半兩

右為細末用皂角貳挺去皮弦子泡槌以布絞取
汁壹椀許又用新薄荷貳斤研取汁同熬成膏以
許學士云夏枯草大治瘰癧散結氣有補養厥陰血
脈之功而經不言觀其能退寒熱虛者儘可倚仗若
實者以行散之藥佐之外施艾灸亦漸取効此草三
四月開花夏至邊便枯蓋稟純陽之氣得陰則枯耳
世人不知故表而出之

本事方治鼠瘰癧

土附子

壹枚

食鹽

叁升

小便

伍升

右三味同浸半月日取出將附子去黑皮陰乾為
末用黑豆爛煮研為膏丸附子末如梧子大每服
拾丸酒吞下早晚二服

藏

治一切丈夫婦人瘰癧經効牡蠣用炭一稱煨通赤取出於濕地上用紙襯出火毒一宿取肆兩玄參叁兩并搗羅為末以麵糊為丸如梧桐子太早晚食後臨卧各服叁拾丸酒吞下此藥將盡癧亦除根

耐後治領下瘰癧如梅李太宜速消之海藻壹斤酒壹升漬數日稍稍飲之

散 衍取蓼子微炒研為細末薄荷酒調或叁錢服治瘰癧久則効

後

初虞世治瘰癧用夜合草遇夜則其葉閉合本草名

合明俗名連錢母出禾田中貼水而生取其葉自然汁服之查盒患處効

正

保命文武膏 治瘰癧用桑椹黑熟者貳斗以布袋絞取汁石器中熬成膏子白湯化下壹匙日二服紅者晒乾為末湯調服

雜方

聖惠治瘰癧腫痛年深時久不瘥用狸頭蹄骨酥炙黃搗羅為散每日空心粥飲調下壹錢匕

破結散 治石癭氣癭血癭肉癭馬刀瘰癧等證

海藻 酒洗淨

龍膽草 酒洗

海蛤粉

蒲葦

貝母 去心

礬石 枯

昆布 酒洗淨

松蘿 各參錢今以

麥麩 炒肆錢

半夏麩 貳錢

右為細末每服貳錢熱酒調食後服忌甘艸鱈魚
雞肉五辛生菓有人於項上生癰大如茄子潮
熱不食形瘦日久百方不效後得此方去松蘿加
真桑寄生一倍服五日後其瘡軟而散熱退而愈
屢醫數人皆效

補虛益氣養榮湯 治懷抱抑鬱或氣血損傷四肢顛頂

等處患腫不問軟硬赤白腫痛或潰而不斂

人參

茯苓

陳皮

貝母

香附子

當歸 酒拌

川芎

黃芪 鹽水拌炒

熟地黃 酒拌

芍藥 炒各壹錢

甘草 炙

桔梗 各伍分

白朮 炒貳錢

柴胡 陸分

右薑水煎服

附散腫潰堅丸

治癰癰馬刀瘡服益氣養榮湯不

能消散者宜服此丸五日又服益氣湯五日如此

相兼服之不應以針頭散傳之

知母

黃蘗 各酒拌炒

瓜蒌根 酒拌

昆布 酒洗炒

桔梗

蓬茂 酒拌炒

連翹

黃連炒

京三稜酒拌炒

葛根

白芍藥各參錢

升麻

當歸尾酒拌

柴胡

甘草各壹兩

草龍膽酒炒

黃芩壹錢伍分 一半 酒炒 一半 生用

為細末煉蜜為丸如藜豆大每服壹伯丸或壹伯

伍拾丸滾湯送下

又治瘰癧

人參

白朮

當歸

陳皮

芍藥酒浸各壹錢

川芎

香附子

茯苓

半夏各伍分

甘草少許

右作一服薑貳片以金銀藤煎湯壹鍾半煎前藥

食後就吞絳宮丸伍拾粒方見前卷

補陰八珍湯 治瘰癧等瘡屬足三陰虛者

當歸

川芎

熟地黃

芍藥

人參

白朮

茯苓

甘草

黃蘗酒炒黑

知母酒炒各柒分 右水煎服

夏枯草湯 治瘰癧馬刀不問已潰未潰或日久成

漏用夏枯草陸兩貳鍾煎至柒分去粗食遠服

此生血治癩癧之聖藥。虛甚當煎濃膏服，并塗患處。多服益善。無十全大補湯，加香附子、貝母、遠志尤善。

初虞世云：癩癧多生肩項，或赤或白，或沉或浮。初生如豆，久似核，年月浸久，其大如梅，或如雞卵，排行成列，或生二三，或生六七。俗云：蟠蛇癩是也。用性努力，思慮過久，則疾痛赤腫，繼之早治為上。

流注癩婦人多有之，其性急躁，其氣怫鬱，其心執着。初生在項，破後膿注四肢，遍體結毒，如梅李狀，不療自破，孔竅相穿，寒熱疼痛，或流膿汁，是名流注癩也。

又名千歲瘡，宜照托裏救苦神應丸。

川烏附

去皮臍生用

當歸

酒浸壹宿

沒藥

白芷

陳皮

甘草節

各壹兩

烏頭

伍兩

薑黃

壹兩半

蟬蛻

水洗半兩

大皂角

柴錠去皮弦子

右用皂角敲碎，水肆大碗煎至貳大碗，濾去渣，用汁一同煮烏頭、川烏、候烏頭爛為度，搗如泥，其餘諸藥却另為末，和烏頭泥為丸，如桐子大，每服陸拾丸，飢飽皆用薄荷湯下。若瘡既破穿鑿孔穴，其處必生腫肉如指大，或黑或白，乃風與氣搏，宜驅

本草綱目 卷之五 外科 癩

風行經散氣之劑以化氣調經湯主之

化氣調經湯 與神應丸間服治流注癰

香附子 酒浸壹宿日乾 羌活

白芷 各壹兩

牡蠣 火燉

甘草

天花粉

皂角刺 各半兩 橘皮 貳兩

右為細末每服貳錢用白湯不拘時調下日三次

如脉有力者先用追毒神異湯下之却服救苦神應

丸

辰砂

血竭 各壹錢

麝香 壹字共研細

大黃

大甘草節 各半兩共為咬咀

右為咬咀河水壹鍾煎至半鍾調前末于臨服時之

單窠癰者生一箇也發於頸項最難治但宜如前藥

服之日久自消或發於顛骨亦難治用毒藥療之勿

令浸漬日久蓮子癰一胞裹十數枚生於項之左

右以手觸則能轉動尚可用藥治療如堅硬挨不動

者乃不可生憎寒發熱躁渴凡遇此證至難治雖神

聖亦無如之何也已

重臺癰生於項頸或左或右初則單窠結在上或在

下重疊見之是名重臺癰此證藥不可療不可針灸

項音 卷之三
若是毒行其腫痛發渴生痰萬死一生害人極速初
覺有之急用小犀角丸粉金散治之。○燕窠癰形似
燕窠不可治。

治

程石香治法以火針刺入核中不可透底納蟾酥膏
於中外用綠雲膏貼之三日後取去核中稠膿膿盡
取去核外薄膜先破初起之核一枚以絕其源服藥
後出者皆愈或不肯收如銀杏者盡皆開了用藥取
之其自潰者猶如木菓之腐熟肉雖潰而核猶存故
膿水淋漓又難得愈治者用鐵烙燒赤烙去其破核
猶存者併肉潰處次用金膏膏龍珠膏等藥追去盡
惡之根遂能長肉而愈隨經絡證候服除風熱燕引
經之藥以除根本可獲全功也。

蟾酥膏

蟾酥

如大豆許

白丁香

拾伍粒

寒水石

些少

巴豆

伍粒

寒食麵

些少

右各另研和作一處再研煉蜜為丸如菜豆大每
用壹丸或貳叁丸納入針竅中如膿未盡再用數
丸以膿盡為度

綠雲膏

黃連

大黃

黃芩

玄參

黃蘗

木鼈子

去殼各壹錢

右細切用香油壹兩同煎焦色去藥入淨松香伍兩再煎成膏濾入水中扯拔令金色入銚再熬放溫入後藥豬膽汁 參枚銅綠參錢 醋浸壹宿 綿濾去粗右用竹筴帶溫攪勻然後如常攤貼兼治瘡口不乾加乳香沒藥輕粉尤妙

金寶膏

去腐肉朽肉不傷良肉新肉

桑柴灰

伍碗用沸湯拾碗淋汁先以草昏一層皮昏二層放羅底次置灰於上淋之

穿山甲

貳兩煨昨

信朮

貳錢

杏仁

米粒去皮同信朮穿

山甲研細

生地黄

貳兩

辰砂

壹錢

粉霜

另研

麝香

各半錢

右將灰汁濾清下鍋煎濃下甲末候焦乾一半下麝香次下粉霜乾及九分下辰砂候成膏下炒石灰末以成塊子即收入小罐子內勿見風

龍珠膏

龍牙草

伍兩

棘棗根

半兩

海藻

貳錢半

蘇木

半兩

右細切量水貳拾碗煎至拾貳參碗濾去粗又用

桑柴灰

石灰

蒼耳草灰

各貳碗半

以草紙兩層皮紙兩層放羅底次置灰於上用煎

湯熱淋取灰汁十碗許澄清入鍋內煎成膏用巴
豆霜白丁香石膏麝香輕粉磁罐子收貯取傅核
上再傅即去舊藥併膩再上新藥其核即潰而愈
根小者但只塗藥於根上其核自潰

蝸牛散

不拘多少以竹簽穿瓦上曬乾燒存性

右為末入輕粉少許豬鬃調用紙花量瘡大小
貼之一法以帶殼蝸牛柴箇生用取去肉入丁香
柴粒於柴殼內燒存性與肉同研成膏用紙花貼
之

粉金散

黃檗

草烏

各等分

為末蜜調傅之

東垣龍泉散

塗癰

瓦粉

龍泉粉

炒即磨刀石上粉也

廣茂

京三稜

各酒浸炒乾

昆布

洗去土各半兩

右件同為極細末煎熟水調塗之用此去疾尤速

奇功散

郭氏治癩癰馬刀頑惡等瘡

野糞尖

乾壹兩

蜜陀僧

無名異

各半兩

皂角

乳香

沒藥

各叁錢

右糞用鹽泥封固炭火煨之去泥取出同藥五味

研為末加麝香少許用清油調勻漫敷上濕即乾
摻其功神效

蝙蝠散 治癩多年不瘥

蝙蝠

壹箇

貓頭

壹箇

右同燒作灰撒上黑豆煨其灰骨化碎為細末濕

即乾摻乾則油調傅內服五香蓮翹湯

灰散

大田螺

連殼燒存性

右為細末破者乾貼未破者香油調傅

治癩癰未破者如神百藥不應者累效

杏樹葉

陰乾為末伍分

萬年霜

火煨為末貳分

蝙蝠

火焙乾為末

白花蛇蛻

燒為灰存性為末各貳分半

蜜蜂

未箇焙為末

右將杏樹葉末用清水調却入前四件藥末調勻

傅患處却將皮紙一片用針刺孔貼藥上如乾用

清水就紙上刷之每一晝夜換藥一次如面上發

熱服清涼飲子數貼其熱自退

敗散癩癰方神效

白膠香

海蝶蛸

降真香

用心無土氣者

右等分為末摻患處外以水帛掩之一夕而退

已破者

蜜蜂貳拾壹個

蛇蛻米分半

蜈蚣貳條端午前收者

右用香油肆兩將前三藥入油內用文武火熬成入光粉貳兩用桑枝柴條如筋大者急攪候冷出火氣七晝夜方可用帛攤作膏貼患處已上二方得於義門

鄭氏累驗不須服藥貼上五七日使消

丹貼瘰癧方用大烏頭伍個火炮伍箇生用並去皮臍大皂莢貳條半以好米醋貳鍾刷炙醋乾為度一半焙乾並去黑皮又用炒糯米一百六十粒同研末以好米醋於火上略頓微煖傅貼患處入蜜少許尤

佳不問有頭無頭大蟾伍枚日乾細研酥調如麵

日兩度貼之出聖惠方蟾一作蜘蛛或破或不破項以下至

胸前者皆治之用九真藤如雞卵大洗生嚼常服之

取葉搗傅瘡上數服即止出斗門方九真藤節何首烏也

治癰用鯽魚荒花燒灰存性水調傅○治鼠癰小嫩

鼠未出毛者焙乾蝙蝠糞小麥炒鬼箭根焙乾各為

末和勻油調傅乾再傅之

本治鼠癰瘰癧刺蝟皮瓦上炒石一味研為末加水

銀粉乾傅

廣治瘰癧經年不瘥者生玄參搗碎傅上日一易之

外治瘰癧燒狼屎灰傳上

治諸瘰癧疾本

硃砂

砒霜

硃砂

馬牙硝各等分

右乳鉢內研細麵糊搜如香附子狀相瘡口大小作之盡送入瘡口中恐腫時用薄荷研細塗之待收口却將大檗皮白丁香並為末盡入孔中如邊不乾却用江子去殼不拘多少用麻油煎令赤去火氣後去江子入臘合如膏看瘡口大小塗之及將白芨末水調塗上立効

治漏瘰癧用蛇菰子不拘多少瓦上晒乾為末用紙撚

蘸藥入瘡口立効蛇菰子未詳

神聖換肌散郭氏去瘰癧頑瘡此方乃追蝕死肉峻藥非頑急勿用

白僵蠶貳錢

白礬壹錢半

砒霜生

蟹螯去翅足

草烏頭

青黛各壹錢

麝香少許

右研極細末乾摻此少於瘡口內用膏藥蓋護其惡肉化膿水

生肌乾膿散 治瘰癧馬刀膿汁不乾者

黃連

貝母

降真香燒存性

白芨

海螵蛸

五倍子炒黑

芸香 各錢

輕粉 伍分

右為末用藥水洗次揆此末外貼膏藥

如神散 治瘰癧巴潰腐肉不去瘡口不合者

白礬 煨參錢 松香 熔化傾地

右末揆少許於瘡口土外貼膏藥

錠子 三品錠子

上品 治一切痔痛

白礬 貳兩 信石 壹兩零 乳香

沒藥 各參錢半 雄黃 參錢

中品 治五漏六瘤氣核瘰癧

白礬 貳兩 信石 壹兩參錢 乳香

沒藥 各參錢 雄黃 貳錢

下品 治瘰癧氣核惡瘡六瘤

白礬 貳兩 信石 壹兩伍錢 乳香

沒藥 各貳錢半 雄黃 壹錢

右三品俱同製度先將信石打碎如豆大置甘鍋內上以礬末蓋之瓦片蓋上以炭火煨令烟盡取出候冷為末用秫米糊為線挺陰乾隨瘡大小深淺長短臨時裁度先以鉄筒拔毒膏點破次以藥線縫入瘡內膏藥貼之藥線消盡又要換藥三四

次年深者五六次其根自腐潰如瘡露在外更用
蜜水調搽濕則乾上亦可

紫霞錠子 治療癰痔痛惡瘡

信石 煨

白礬 煨

硃砂 各壹錢

膽礬

雄黃

硃砂 各伍分

乳香

沒藥 各貳分半

麝香

片腦 各半

右末稠糊為錠子如豆大帶扁些及作藥線隨瘡
大小深淺長短臨時裁度先以拔毒膏點破次以
藥錠放在瘡口膏藥貼上三日一換藥待肉腐之
時藥線插入瘡口膏藥貼上直候腐肉去盡為度

三才絳雲錠子 治療癰痔漏六瘤惡瘡

天才 初開瘡口緊峻之藥

白礬 煨

雄黃 叁錢

信石 生

硃砂 生

朱砂 各貳錢

膽礬 生

乳香

沒藥 各壹錢半

麝香

片腦 各少

地才 次去死肉緊緩之藥

白礬 煨

雄黃 叁錢

信石 煨過

朱砂 各貳錢

硃砂 生

膽礬 生

乳香

沒藥 各壹錢半

兒茶

血竭

輕粉 各伍分

麝香

片腦 各少

藥

藥

藥

項部
人才 又次生新肌去瘀肉緩慢之藥

白礬錢伍 雄黃參錢 赤石脂煨 兒茶

硃砂錢各貳 硃砂乾 膽礬煨 乳香

沒藥 輕粉 血竭各壹錢半 麝香

片腦各少許

右末用秫米糊為錠子如豆大帶扁些陰乾又作藥線如麻黃樣先用鐵確膏點癰頭令黑次絀此錠膏藥貼上三日一換藥腐肉不盡出者可更用下品錠子及針頭散取盡腐肉止有膿汁不乾者月止肌乾膿散搽瘡口膏藥貼上如要生肌速用生肌散搽瘡口上膏藥貼之

碧玉錠子 治瘰癧惡瘡

銅青參錢 膽礬生 白礬煨 白丁香

信石煨 硃砂生 雄黃 朱砂

乳香 沒藥 輕粉各壹錢 麝香

片腦各少許

右末稠糊為錠子如豆大帶扁些及作藥線陰乾先用拔毒膏點破瘡口上貼膏藥直至腐肉去盡只貼膏藥以肉生滿為度

有一老嫗亦治此證索重價始肯醫治其方法乃是

其
無
下
九

下品錠子維瘡內以膏藥貼之其根自腐未盡

刪去盡更搽生肌藥數日即愈人多異之予見其

治氣血不虛者果驗若氣血虛者雖潰亦不愈

餅項後側少陽經中疔瘡不辨肉色不問大小及月

日深遠或有赤硬腫痛用

生山藥壹塊去皮 草麻子壹粒

右研勻攤貼之如神丹溪云山藥補陽氣生者能

湊之留而不去其病為實非腫硬之

謂乎固其氣則留滯自不容不行

山慈菇生用 良薑等分

右俱搗為餅去汁罨之能散去寒熱或以山慈菇

磨調酒服大妙此藥大能散癰如神

香附餅 治癰癧腫核或風寒襲於經絡結腫或痛

香附子不拘多少

右末酒和為餅覆患處以熱熨斗熨之未成者內

消已成者自潰若風寒濕毒用薑汁作餅

治癰癧不問有頭無頭者

右用大蜘蛛伍箇曬乾細研酥調如面脂日二度

傅之蜘蛛用屋簷頭結網者其他不可用

又方 用黃頰魚破開入草麻子貳叁拾粒在肚內

頁部 癰癧 小計二 九十六

以綿纏定於厠坑內放冬三月春秋二月夏一月
取出洗淨用黃泥固濟文武火煨帶性爛研為末
香油調傅及治癩瘡

膏荔枝膏 治癩癧

荔枝肉壹兩輕粉

麝香

白豆蔻

川芎

砂仁

各半

硃砂

龍骨

血竭

乳香

各壹錢

全蠍

伍枚

右將荔枝肉搗爛軟米飯和為膏看瘡大小攤貼
如有三五箇者止去點為頭者妙

琥珀膏治頸項癩癧初發如梅子腫結硬強漸若
珠或穿穴膿潰肌汁不絕經久不瘥漸成癭瘻並
皆治之

琥珀

壹兩

丁香

細研

木香

各叁分

桂心

半兩

硃砂

白芷

當歸

木鼈子

去殼

防風

去蘆

木通

各半兩

黃丹

柒兩

垂柳枝

叁兩

松脂

貳兩

麻油

壹斤

右除琥珀丁香桂心硃砂木香為細末餘藥細剉
以油浸一宿入鍋中以慢火煎候白芷焦黃漉出
次下松脂末濾去滓再澄清油却入鍋中慢火熬
下黃丹以柳木篋不住手攪令黑色滴水成珠

不散看軟硬得所入琥珀等末攪勻磁器盛用時
看大小用火燻紙上勻攤貼

蜂房膏 治熱毒氣毒結成瘰癧

露蜂房 炙 蛇蛻 炙 玄參 蛇床子

黃芪 劉各 杏仁 壹兩 亂髮 雞子 鉛丹

蠟 各貳

右先將前五味劉細綿裹用酒少許浸一宿勿令
酒多用油半斤內杏仁亂髮煎十五沸待髮消盡
卽綿濾更下鎊中然後下丹蠟又煎五七沸卽瀉
出於磁盆中盛取貼瘡上一日一換

鐵筒拔毒膏 治癰疽癰毒瘰癧六癩疔瘡頑癩痔

漏痣癩惡瘡腫瘍一切惡肉惡核等毒已成者點
破膿腐卽去未成者自然消散其毒雖不能全消
亦得以殺其毒也

蕎麥稽灰 桑柴灰 礪石灰 各叁 真炭灰 壹

右將四灰和勻用酒漏壹個將棕帕塞住竅用水
叁拾碗熬滾淋灰汁將汁復熬滾復淋過取淨藥
力慢火入磁罐煎熬以紙數重固口熬至壹碗爲
度乘滾入礪石灰末攪勻如糊之樣入黃丹取如
微紅之色密封固罐口候冷次日將厚實磁罐收

項部 外科三 九一七

時密塞其口每用少許塗毒頂之上卽時咬破不
黑又點以黑為度如藥乾以唾調塗如要用只
將燒大柴灰九碗石灰三碗淋灰汁熬濃汁如前
製用更有枯癩膏十棟膏治法並同
黑虎膏 治癩癧諸瘡神效

大黃

黃連

黃芩

黃檗

當歸

各壹兩

木鼈子

伍錢

穿山甲

參錢

亂髮

壹丸

蛇蛻

壹條

麻油

壹斤

黃丹

水飛炒捌兩無真約以好光粉代之妙

乳香

壹兩

沒藥

伍錢

阿魏

壹錢半

右將前九味剉碎入油浸五七日煎熬微黑濾去
查入黃丹慢火熬成膏候冷入乳香沒藥阿魏末
攪勻油紙攤貼

十香膏

治五發惡瘡結核癩癧疔瘻疔痔

沉香

麝香

各壹錢

木香

丁香

乳香

甘松

白芷

安息香

藿香

零陵香

各伍錢為細末

當歸

川芎

黃芪

木通

芍藥

細辛

升麻

白斂

獨活

川椒

葉本

菖蒲

厚朴

商陸根

木鼈子

官桂

各貳錢剉

桃仁

小斗三

小斗三

小斗三

柏子仁

松子仁

杏仁

各伍錢

槐枝

桑枝

柳枝

松枝

各貳兩

沒藥

輕粉

雄黃

硃砂

雲母石

生犀角

亂髮灰

白礬灰

各貳兩另研如粉

真酥

羊腎脂

豬脂

各貳兩

黃丹

壹斤

清芝麻油

壹斤

右先用木炭火煉油香熟下一十六味剉碎藥并四枝四仁熬至紫黑色出火濾去粗入酥脂煎十餘沸再以新綿濾過油澄清拭鑑令淨再入火上煎油沸下丹用濕柳枝作篋子不住攪熬一日滴

在水中成珠不散則成也離火入十味藥末攪勻再上火入雲母等粉入味輕煎令沸出火不住攪一食時於磁盒內密封收每用量瘡口大小緋帛上攤貼之腸胃癰疽可作丸如梧桐子大每服柒丸空心溫酒送下

又方治瘰癧已破核不腐致瘡口不斂或貼琥珀膏不應時效針頭散傳之以去腐肉以如神散傳之更服益氣養榮湯若氣血虛者先服益氣養榮湯待氣血稍充方用針頭散仍服前湯

治瘰癧

右先於瘡上灸三壯然後用藥潰作瘡

口用新活鱗魚截長一指大，批開就掩在瘡口上。少時覺瘡內痒，急揭起魚，覷魚上有細蟲，如馬尾三節，蟲出如捲三五次，取盡蟲子，後用歛瘡口藥。

龍腦 乳香各壹錢 麝香 粉霜

雄黃 輕粉各半錢

右為細末，水糊為丸，如小麥大，每用壹丸兩丸，絛在瘡口內，覺腫痛是効。

洗方拔毒湯 治瘰癧百雜瘡腫，悉能內消。

防風 荆芥 羌活 獨活

細辛 藁本 川芎 白芷

大黃 苦參 當歸 赤芍藥

威靈仙 玄參 何首烏 黃蘗

甘草 蜂房 甘松 藿香

蒼朮 石菖蒲 零陵香 枸杞子

右蔥白、川椒煎水熱洗，又用綿布二帖，煮熱蒸熨。

^新靈樞寒熱篇黃帝曰：寒熱瘰癧在於頸腋者，皆何氣

使然？岐伯曰：此皆鼠瘻寒熱之毒氣也，留於脉而不
去者也。鼠瘻之本，皆在於臟，其末上出於頸腋之間，
其浮於脉中而未肉着於肌肉，而外為膿血者，易去
也。黃帝曰：去之奈何？岐伯曰：請從其本，引其末，可使

衰去而絕其寒熱審按其道以予之徐往徐來以去之其小如麥者一刺知三刺而已

右經一章皆從經肌取臟腑之本以治療癰之本

也其末出於耳下或耳後下頸至肩上或入缺盆

中者當於手足少陽經取之或針或灸如後穴

肩井 撮瘰癧天井半寸灸

東腋腫馬刀挾癭善白齒舌頰天牖中腫寒熱

臨泣 丘墟各壹分 太衝壹分 腋下頸項腫

天池順皮叁分 如頰腫加後谿貳分 腋下

腫馬刀挾癭喉痺 申脉壹分

印胸中滿腋下腫馬刀瘻善自齒舌頰天牖中腫淫

滌脛痠頭眩枕骨頰痛目澀身痺洒淅振寒季脇

支滿寒熱脇腰腹膝外臙痛臨泣主之 馬刀腫瘻

淵腋章門支溝主之 出於頰下或至頰車者當於

手足陽明經取之或針或灸如後穴 三里足陽

合谷手陽

卅搗生商陸根作餅子置於瘰癧上艾炷灸餅子上

乾即易之灸三四餅

世當癰上貼肉灸十四壯神效

東瘰癧馬刀將先出一瘡用四楞鐵環定住不令出

移破作口子以油紙撚絛之勿令合了以絕其瘡之源其効至速如瘡不破或病人不肯破更以藥塗之三日一易之以龍泉散主之方見前

肩尖肘尖二穴

圖印肩隅肘膠



此穴治療癰之秘法蓋癰癰屬肝膽二經故患在耳前後項腋之間男子多因恚怒虧損肝經之血陰火內作或不慎起居耗損腎水不能生肝血婦女多因恚怒傷肝火動血燥或鬱結傷脾火動血耗或患於胸孔間亦屬前經此證若因恚怒傷肝氣血壅遏而不愈者宜灸此穴踈通經絡若因久鬱怒元氣虧損而甲不愈當推其所屬而調補化源如取其穴當以指甲搯兩肘兩肩四所患處覺酸麻方是其次

又方灸癰癰未成膿者用大蒜切片如三錢厚安患處用艾壯於蒜上灸之至三五壯換蒜每日灸十

數蒜片以拔毒如破久不合內有核或瘀肉此
因血氣不足不能腐爛以銅錢挺輕輕連衣膜取
去縱取重亦不痛不必畏懼更用江西豆豉為末
垂津和為餅如前灸之以助陽氣內服補藥外貼
虎拍膏或太乙膏瘡口自合

靈樞黃帝曰決其生死奈何岐伯曰反其目視之其
中有赤脉上下貫瞳子見一脉一歲死見一脉半一
歲半死見二脉一歲死見二脉半二歲半死見三脉
三歲而死見赤脉不下貫瞳子可治也 肺脉微瀼
為鼠瘦在頸支腋之間下不勝其上其應善瘵

八肩部 六

○肩疽

靈樞云發於肩及臑名曰疵癰其狀赤黑急治之此
令人汗出至足不害五臟癰發四五日逆熇之 鬼
遺云丁疽發兩肩惡血留結內外榮衛不通發成疔
疽五日腫大令人口噤寒戰十二日可刺不治二十
日死 陳乾疽腫發起兩肩及兩大臂連胛骨二七
日痛不息亦不可動五十日身熱不赤六十日可刺
刺之無血者死 或問肩上生疽何如曰此處手足
三陽交會之所名曰肩疽由風熱鬱結所致或因負

肩疽

小引

二

重損傷而作服烏金散勝金丹活命飲加柴胡桔梗壯實者一粒金丹下之老弱者十全大補湯托之

○肩胛疽

或謂肩胛內痛漸至潰爛成瘡何如曰此名太陰疽卽蓮子發鶴手太陰肺經積熱所致宜活命飲加桔梗黃芪奪命丹勝金丹黃芪木香散選用壯實者八陣散一粒金丹下之赤色者可治青黑者不治喘嗽大渴胃滿脉微者死

○左右串

或問左右搭串何如曰左肩骨上生疽串於右者可治右肩骨上生疽串於左者難治古有此說愚謂不然攻注左右者氣血不調陰陽交錯也宜勝金丹活命飲加羌活桔梗壯實者八陣散一粒金丹下之七惡證少何慮難痊元氣虛憊治之何補哉

○缺盆疽

或問一人年六十肩前陷中生疽寒熱大作飲食少進肩背拘急小水不利胸腹膨脹何如曰是名缺盆疽又名鎖骨疽屬足陽明胃經手少陽三焦經宜隔蒜灸先服紫金丹奪命丹而惡證退惟苦小水不利擬以六一散而利後服十全大補湯而安若治之稍

緩必致潰爛是經少血多氣瘡口不合危篤者多矣

○肩後疽

或問肩膊後骨上生疽何如曰此名上鼠疽即上搭也怒氣積鬱所致屬太陽兼少陽經初覺宜隔蒜灸活命飲加羌活桔梗柴胡勝金丹紫金丹奪命丹選用既潰十全大補湯黃芪木香散人參養榮湯

○過肩疽

或問肩後夾脊兩邊腫硬疼痛何如曰此名筋疽亦名過肩疽初得寒熱似瘧但腫硬無膿急隔蒜灸服活命飲加羌活勝金丹奪命丹汗之壯實者一粒合

丹萬病解毒丹選用

○瘰癧癰

或問項腋兩乳旁結核或兩胯軟肉處生腫塊何如曰是名瘰癧癰屬手少陽三焦經其發緩慢是冷證非熱證也宜用回陽玉龍膏熱藥敷貼服內補十宣散何首烏散勝金丹選用

○腋發

靈樞云發于腋下赤堅者名曰米疽治之以砭石欲細而長疎砭之塗以豕膏六日已勿裹之其癰堅而不潰者為馬刀挾瘦急治之鬼遺云內疚疽發兩

腋下及臂并兩手掌中振寒熱血益乾飲多即嘔煩
心惛惛脉盛六七八日診如此可汗不汗死

○夾肢癱

或問肩膊下隙内生疽何如曰是名夾肢癱屬手少
陰心經手厥陰心包絡風熱所致宜服內托黃芪柴
胡湯壯實者八陣散一粒金丹下之及紫金丹勝金
丹選用老弱者黃芪木香散人參養榮湯十全大補
湯主之

八臂部 七

○臂癱

鬼遺云垂臂兩處發接骨下臂鶩上起如雞鴨卵大
皆由榮衛不調所為也喜患實處而不透肉亦宜急
消或發穴早療 兩臂肘起在接骨下引手至小骨
之上發癱瘡此處雖實奈連大小筋骨舉動不便垂
手多墜疼如膿深沉徹骨即傷筋脉拳縮不舒搗撮
宜急以緩慢筋脉藥餌治之 玄機云在臂外為癱
在臂內為魚肚發在臂上節腫連肩髃為臂風毒宜
活命飲加羌活獨活桂枝桔梗水酒各半煎服及奪

臂癱

小引三

百七

命丹紫金丹勝金丹選用壯實有裏證者一粒金丹
八陣散下之若漫腫無頭服敗毒之藥不能消者宜
十全大補湯加桂枝枳梗托之有嘔吐而數日不食
者潰出膿則愈

治驗 一人年將六十五月患右臂膊腫盛上至肩下
至手指色變皮膚涼六脉沉細而微此脉證俱寒乃
附骨癰也開發已遲以燔針啓之膿清稀解次日肘
下再開之加吃逆不絕與丁香柿蒂散兩服稍緩次
日吃逆尤甚自利臍腹冷痛腹滿食減時發昏憤灸
左乳下黑盡處二七壯又處托裡溫中湯一兩半與

服或曰諸痛瘡瘍皆屬心火又時當盛暑而用薑附
可乎予曰經云脉細皮寒瀉利前後飲食不入是爲
五虛况吃逆胃中虛寒此證內外相反須當捨時從
證遂投之諸證悉去飲食倍進瘡勢溫膿色正復用
五香湯數服月餘而愈機按此證多屬虛寒此方專
以補其虛蓋因吃逆腹滿乃氣鬱壅也想必其人
年雖老脉證雖虛而形體頗實非陰虛吃逆比
一揮使臂腫一塊不痛不赤脉弱癩食時嘔以六君
子加藿香酒炒芍藥嘔止食進再以八珍湯二十餘
劑膿成刺之又以十全大補湯而愈次年傷寒後臂
復腫微痛乃傷寒餘毒也然無表證但虛弱耳先用

十宣散四劑取參芪芍歸扶助元氣防風桔梗白芷
厚朴行散腫結肉桂引經破血腫退三四再用八珍
湯膿潰而愈至冬臂復作痛因服祛風藥反筋攣痛
甚此血虛不能養筋筋虛不能束骨用加味十全大
補湯百貼而愈。○一女臂患腫潰久不斂寒熱交作
五心煩熱飲食少思月水不通以逍遙散月餘少可
更服八珍湯如丹皮香附又月餘經通再加黃芪白
斂兩月餘而愈。○一人臂腫患毒作痛服寒涼藥食
少大便不實予用理中丸二服更以六君子加砂仁
藿香再以托裏膿潰而愈。○凡瘡痛甚者若稟厚有
近五十左膊外側紅腫如粟予曰勿輕視得獨參湯
數斤乃佳數貼而止旬餘值大風拔木瘡上起一紅
線繞背抵右肋與大料人參湯加芍朮補劑兩月而
安。○一婦臂痛筋攣不能屈伸遇寒則劇脉緊細此
良甫所謂肝氣虛為風寒流于血脉經絡搏于筋筋
不榮則乾急為痛先用舒筋湯次用四物湯加牡丹
皮澤蘭白朮而愈亦有臂痛不能舉或轉左右作痛
由中脘伏痰脾氣滯不行宜茯苓丸或控涎丹治之
○一人手臂結核如粟延至頸項狀似癩癧此風濕
流注用加減小續命湯及獨活寄生湯更以托裏藥

倍加參芪歸木百貼而愈機按此條有證無脈認作風濕流注而治當時必有

而愈也後用補劑百貼○一兒三歲臂患毒焮痛服

解毒丸搽神功散而消此條證脈不詳嘗治臂毒便

開煩躁服五福化毒丹亦效若膿成急刺用紙撚蘸

麻油維瘡肉以膏藥貼之若兒安靜不必服藥候有

膿取去仍用維貼○一人臂患疽脈數飲槐花酒一

服勢頓退再與金銀花黃芪甘草十餘服而平槐花治濕

熱之功最為神速○尹老家貧形志皆苦自幼顏疝

孟冬于手陽明大腸經分出癰第四日稠膿臂外皆

腫痛在手陽明左右經中其脈俱弦按之洪緩有力

此得自八風之變以脈斷之邪氣在表飲食如常大

小便如故腹中和口知味知不在裏也不惡風寒只

熱躁脈不浮知不在表也表裏既和邪在經脈之中

故曰疑于血脈為癰是也癰出身半已上故風從上

受因知為八風之變而瘡只在經脈之中法當却寒

調和經脈中血氣使無疑滯可愈矣宜以白芷升麻

湯機按此方舉一身而言故陽明為一身之中若以各經言之而陽明亦自有表裏中三等之劑太陽

亦有表裏之中方○一人年踰三十臂患癰潰而

不痛膿稀脈弱升麻曰疽潰深而不痛者胃氣大虛

不知痛也東垣曰膿水清稀瘡口不合氣血俱虛也

理宜大補彼不聽服消毒藥氣血愈虛遂不救。○丹
 溪曰：總見腫痛，參之脈證，倘有虛弱，便與滋補氣血，
 可保終吉。又曰：潰瘍內外皆虛，補接為主。茲則見善
 不從，自用已智，寧免死乎。○一人年逾四十，臂患毒
 嗽，痛作嘔，服托裏消毒藥，愈盛。予用涼膈散，一劑頓
 退，更以四物湯加芩連，四劑而消。機按：此所謂腫瘍
 熱毒攻心而作嘔也。○一人兩臂腫痛，服托裏藥，日盛。予謂腫屬濕痛
 屬火，此濕熱流注經絡也。用人參敗毒散，加威靈仙，
 酒炒黃芩，南星，數劑漸愈。更以四物湯加蒼朮、黃蘗，
 桔梗，二十餘劑而消。按：此托裏藥日盛，故改作濕熱治也。○一尚書左

右砍爛入些醋溫塗敷患處

赤葛膏

治病藕節及臂臑腕掌等處結毒

赤葛根皮

山布瓜根

山蘇木

山樟根皮

紫金皮

赤牛膝

赤芍根

赤毛桃根

右用皮砍爛糟炒敷塗患處

敷病肌石蝮藥

山樟子葉

右砍爛糟炒縛之又用根煎酒服之

○臍癰

俗名病藕包

臂骨 凡科三
膈臂表裏俱腫痛赤色惟肘節處差小故名藕包以
內外分陰陽俱如上法

泥油膏 治病藕包

塘泥 壹分

桐油 叁分

右和勻以鴨毛掃時時塗勿令乾

二瓜散 治病藕包

山布瓜根

天布瓜根

右砍爛入米醋少許和煖塗之

或問手臂陽明經分生癰初如粟米漸大如赤豆痛
不可忍旬日大如胡桃結紫色何如曰此名骨蠹

若毒遊遍身拘急發搐嘔噦不食冷汗自出滑泄煩
躁脉亂者死犯房勞怒氣者死一人患此證一月之
後遍身攻串口吐黃水穢氣滿室既而嘔吐膿血旬
日而亡其人三四日前尚進飲食人與沐浴扶起皮
肉俱爛患者不信醫者不識以致隕身此由七情不
和積怒積憂積熱所致真元虛敗不能勝邪故也縱
有丸丹天命而已惟智者防患於未然急服黃連消
毒散勝金丹烏金散活命飲加羌活選用治之稍緩
七惡證多者必死也○按此證發之暴死之速乃陰
虛極而火獨光之故前藥不滋化源而揚湯止沸其

紫背草

狐柿子根皮

右砍爛糟炒縛之又方加岩松子或單用亦可

○手心毒

手心結毒焮赤腫痛俗名病穿掌又名穿窟天蛇又名貧子毒若偏於掌邊者名穿邊天蛇又名穿埂天蛇此手厥陰心胞絡積熱所致初宜隔蒜灸之以泄其毒服活命飲加桂枝薑黃實者量表裏為汗下於紫金丹奪命丹烏金散一粒金丹選用既潰參芪天劑補之

蜈蚣散 治病穿掌

穿山蜈蚣

花心蜈蚣

背子蜈蚣

山蘇木

飛天蜈蚣

金頭蜈蚣

酒罈子根

赤牛膝

臭不待根

紫背草

紫金藤

右酒煎服不飲酒人水煎入少酒和服又用過路

蜈蚣溪女葉煎水浸洗

又方

穿山蜈蚣

雞屎子

金腦香

紫金藤

右水煎入酒和服

敷穿掌穿板藥

仙人掌根 雞屎根皮 赤葛根皮

葛合根 山布瓜根 背子蜈蚣

山樟根皮 赤牛膝 落鴉鎗根

天布瓜根 山枇杷根皮 紫河車

紫金皮 右插爛入醋少許和塗患處

又方

仙人掌根磨米醋煖塗得又用藜蘆子煎醋薰又用寒香子煎水浸洗

浸洗方

石楠藤

赤牛膝

赤麻蕒

八角茴香

赤薺子

九節香

豬屎蘇

穿山蜈蚣

鉄菱角

含笑葉

鉄梗子

落鴉鎗

山蓼葉

右煎水薰浸淋洗之

潰爛者用搽末

舊飯筍燒存性為末和油掃患處次搽末或用生

肌散亦大効

飯筍要用農家者取其日日貯飯

藏氣者効

○虎口疽

虎口結毒焮赤腫痛名合谷疽又名丫刺毒又名孽

蟹毒又名手又發又名病蟹又此手陽明大腸經風熱積毒之所致也初覺宜隔蒜灸之服活命飲加桂枝薑黃桔梗升麻木酒煎服壯實者量表裏為汗下老弱者十全大補湯十宣散托裏散中選用○五指

又處結毒焮腫者俗名鴉又

草靈散

治病蠟又

右斫爛酒炒縛之

又方山馬稍根皮斫爛糟炒縛之

又方宿地薤白根葉斫爛酒炒縛之

又方楸子葉斫爛糟炒縛之又以小葉淨瓶子煎

水熏洗亦効

又方碌碡草葉斫爛酒炒縛之又以梗煎水浸洗

落鴉鎗散 治鴉又

落鴉鎗

大金錢

羊蹄菜

水楊柳根

右斫爛糟炒縛之

又方

落鴉鎗

紫金皮

山布瓜根

天布瓜根

右斫爛糟炒縛之

又方

落鴉鎗根搗爛糟炒縛之

又方

落鴉鎗根天布瓜根斫爛糟炒縛之

○腕癰

手屈之處結毒焮赤為手屈發俗名手牛押屈此手
三陰經風熱聚毒之所致也治法同前○一人年四
十手腕生疽面目手臂俱浮腫飲食全不進者七日
矣惟飲水數升神思昏憤小水不利時值盛暑穢氣
逼人惡證疊見不應用藥姑以玉樞丹加蟾酥塗之
出蛆合許膿升許惡證悉退補養而痊
紫金牛膝散 治手半押屈及脚上一切腫毒堆核
焮痛者

紫金皮

赤葛根皮

赤毛桃根

山布瓜根

赤牛膝

魚桐根皮

天布瓜根

落鴉鎗根

右砍爛糟炒執縛患處

又方

魚桐皮根

落鴉鎗根

紫金皮

右砍爛糟炒縛之

又方

落鴉鎗

葛合根

馬藍草

天布瓜

山蘇木

紫金皮

赤毛桃

赤牛膝

芙蓉葉

山布瓜

赤葛根

魚桐根

李子根

右搗爛糟炒縛之，久不退，加山樟子葉及根皮。

○手大指疽

手大指頭發小點如粟，漸大如豆，或如桃李，或青或紫，乍黃乍黑，乍白或痒或麻木不痛，或大痛徹心，此名調疽。屬手太陰肺經積毒，毒盛者宜截去之。四日刺得血膿者生，得黑血者死。急服烏金散、紫金丹、汗之壯實者，一粒金丹下之，毒氣攻心，嘔吐不食，膨脹者死，齒縫出血者死。○一人患此，色黑不痛，其指已死，令斬去之，速服補藥，恐黑上臂不治，彼不信，另服敗毒藥，手竟黑，遂不救。

○天蛇頭

手中指頭結毒，焮赤腫痛，或不拘何指，名天蛇頭。若有膿裂開，有口唇如蛇頭狀，是以名焉。屬手厥陰心包絡積熱所致，宜服活命飲，加柴胡、羌活、桔梗、黃連消毒。飲紫金丹、烏金散，選用雖黑色頑麻潰爛脫指者亦不死。

丹溪云：蒲公英、草、清明時節如薺菜狀，中開一朶花，如菊花者，取乾，與蒼耳、艸二味等分為末，以好醋濃

煎浸洗即愈

蒲公英忍冬酒治天蛇頭極效累驗見乳癰

世治天蛇頭蒲公英搗細水和調去查服之又搗查

盒患處累效

治天蛇頭用 野落蘇即兼絲子金銀花藤 天蕎麥

右細切用好米醋濃煎先薰後洗

又方用人糞雜黃泥搗之裹在患處即愈

拔毒散 治毒瘡生於手指赤腫堅硬俗呼為發指

徹骨疼痛不可忍者

乳香少許研 泥蜂窠壁間採研

右為末用醞醋調塗乾則以醋潤之痛立止

治惡指諺云天蛇頭

蜈蚣壹條火上燒 右以烟熏病指一二次即安

治蛇消腫散 治蛇咬及蛇節疔蛇腹疔蛇頭疔蛇

背疔等證

蛇頭瓜 天菰藤 木虱藥

仙人薯 土木香 紫金藤

大小青 右搗酒溫服以查敷之

除瘡消痛散 治蛇頭子及一切蝮蛇瘡

紫金藤又名開心草 右搗酒服之以查敷患處大效

又方 金腦香葉搗酒服以查敷之

又方 蛇頭瓜草又名赤田蕒又名一麻二麻有一箇根即一麻有二箇根名二麻

右砍爛酒炒縛之

又方 紫金鍾 六月雪 二味砍爛糟炒縛之

又方 溪沙子葉 過路蜈蚣 砍爛糟炒縛之如

痛不止用雄黃末燒烟熏之不拘已成未成即剋取効或加蜈蚣等分亦妙

又方 紫金鍾 到金鍾 野芋子 香附子

右砍爛糟炒縛之

又方 井邊羊莧子砍爛糟炒縛之

又方 山布瓜根磨醋刷以赤梗蜈蚣過路蜈蚣

山蜈蚣飛天蜈蚣煎水薰洗亦効

又方 獨龍鬚根即大葉白爛根 砍爛糟炒敷之

地扁蓄散 治病蛇頭子

耳環屍又名琉璃草又名花管草又名各地扁蓄

右搗酒服又以砍爛酒炒縛之

敷毒方 治蛇頭子一切蝮蛇瘡

地扁蓄 金腦香 紫河車

飛天蜈蚣 紫蜈蚣 金鳳尾

金雞舌

右砍爛酒炒縛之

又方

地蜈蚣葉

溪汝樹葉

砍爛冷縛之

又方

飛天蜈蚣葉

砍爛冷縛之

又方

金腦香葉

又名砍爛冷縛之

又方

雞卵壹枚開竅傾出以指時數浸之

又方

軟骨草

赤麻蕒

金盞草

耳環屍

右砍爛鹽酒炒縛之

又方

山蓼葉

田麻蕒

地篇蓄

田螺

右搗爛鹽酒炒縛之

又方

山布瓜根

金腦香葉

右搗爛酒炒縛之

浸毒散

治前證並効

毛藤子

石楠藤

鈇菱角

穿山蜈蚣

背子蜈蚣

赤麻蕒

金腦香

梭婆子根

飛天蜈蚣

赤梗過路蜈蚣

右煎水入此醋和煖浸洗

治蛇頭瘡

其形生時在手足上瘡傍一塊開如蛇

口之狀痛而流血不止者此藥治之

雄黃

蜈蚣

全蠍

各壹錢

右為細末着瘡濕劈開入藥擦在瘡上却以小油抹裁帛拴住如乾小油調搽

五指頭生疔名為軟疔係臟腑積熱治不可緩宜內疎黃連湯紫金丹為金散及一粒金丹下之

○手指節發

手指節結毒焮赤腫痛又名病繭又名蛇節疔又名釘節天蛇又名病地節治法與天蛇頭大同小異

金雞舌散 治病繭

金雞舌根磨酒服 或磨半泔半醋煖塗之

又落鴉鎗根搗酒煖服以杳敷患處

○代指

代指者先腫焮熱痛色不黯緣爪甲邊結膿劇者爪皆脫落但得一物冷藥汁瀉漬之佳爪者筋之餘筋賴血養血熱甚注於指端故指腫熱結聚成膿甚則爪甲脫落此病類於指疔然無蘊毒故色不黯黑雖久亦不殺人○內服方聖濟總錄有漏蘆湯藍花湯中用漏蘆藍花升麻大黃黃芩玄參朴硝既無蘊毒何為用硝黃下藥輕病重治能無過乎故今不取

升麻湯

升麻

甘草 各半兩

右細剉水貳升煎至壹升去滓下芒硝末半兩攪
 勻溫浸指上數十遍冷卽再煖以差爲度 一方
 用梔子仁甘草各壹兩 一方單用甘草 一方
 單用芒硝 一方單用麻黃 並如上法煎浸
 千金治指痛欲脫用豬脂和鹽煮令消熱內指中一
 食久住 千金翼和乾薑 一方用醬汁 一方醬
 合蜜煎沸稍熱傅日五七上
 卅治手指忽腫痛名爲代指以烏梅入醋研浸患處
 立瘥

治手指腫酸漿水入少鹽熱浸之冷卽易

八骨部九

○井疽

靈樞云發於胸名曰井疽其狀如大豆三四日起不
 早治下入腹不治七日歿矣 或問心窩生疽何如
 曰此證初起如黃痘肉色不變名曰井疽又名穿心
 冷瘦若冷氣攻心精神恍惚嘔吐冷痰惡聞食臭毒
 氣內陷腹脹滿者不治若心躁如焚肌熱如火不時
 盜汗唇焦舌乾黃色渴飲冷水者是正候也急服活
 命飲加黃連枯梗勝金丹奪命丹汗之壯實者一粒
 金丹下之惡證多治稍遲多致顛危宜服犀角解毒

丸

○甘疽

靈樞云發於膺

膺胸兩旁高處亦謂之臆

名曰甘疽色青其狀如

穀實瓜瓠常苦寒熱急治之去其寒熱不急治十日

死死後出膿

○臃中疽

或問心窩上兩乳間生疽何如曰此臃中發疽也蓋

臃中為氣之海氣所居焉能分布陰陽若臟腑陰陽

不和七情不平則發此證宜活命飲加紫蘇薄荷葉

汗之奪命丹勝金丹紫金丹選用稍遲則潰爛惡症

多者難治

○脾發疽

或問心窩下旁生疽何如曰此名脾發疽毒由多食

煎燂醉飽入房以致毒聚脾經而作活命飲加桔梗

升麻紫金丹勝金丹汗之壯實者八陣散下之老弱

者十全大補湯稍遲則潰傷脾膜膿如蟹沫者死服

藥而嘔飲食不進者死

或問一人年三十曾前肋上堅硬如石者尺許寒熱

大作飲食不進徧身疼痛煩躁不寧曾膈填脹何如

曰凡在胸及胸之側或是肩前下延及脇形長如蛤

皆為馬刀瘡屬手少陽三焦經足陽明胃經手厥陰
心包絡鬱火怒氣積痰所致宜灸宜汗攻補兼施則
消宜服勝金丹烏金散壯實者一粒金丹下之活命
飲加柴胡過時則潰爛徹骨久而不斂者死未潰而
謔語神昏泄利嘔吐者不治

一夫人性剛多怒胸前作痛肉色不變脉數惡寒經
曰洪數脉應發熱反惡寒瘡疔也今脉洪數則膿已
成但體豐厚故色不變似乎無膿以痛極始肯針入
數寸膿數椀以清肝消毒藥治之而愈設泥其色而
不用針無可救之理○一人年踰四十胸患瘡成漏

日出膿椀許喜飲食如常用十全大補湯加遠志貝
母白欵續斷灸以附子餅膿漸少調護歲餘而愈○
一少婦胸膈間潰一竅膿血與口中所欬相應而出
以參芪當歸加退熱排膿等藥而愈或曰此因肺痿
所致○一人胸腫一塊半載不消令灸百壯方潰服
大補藥不斂灸附子餅而愈○一百戶胸患毒腫高
焮赤發熱脉數大小便澁飲食如常齊氏曰腫起色
赤寒熱疼痛皮膚壯熱頭目昏重氣血實也又曰大
小便澁飲食如故腸滿膨脹胸膈痞悶肢節疼痛身
熱脉大精神昏寒臟腑實也進黃連內疎湯二劑諸

證悉退更以荆防敗毒散加黃芩山梔四劑稍愈再
以四物加芩連白芷桔梗甘草金銀花數劑而消機
此項治法雖因脈證皆實而用泄法然泄法又有先
後次序先攻裏後發表最後又用和解前賢治病不
肯猛浪如此學者
可下以此為法哉

○乳癰乳巖

丹溪乳房陽明所經乳頭厥陰所屬乳子之母不知
調養怒忿所逆鬱悶所遏厚味所釀以致厥陰之氣
不行故竅不通而汁不得出陽明之血沸騰故熱甚
而化膿亦有所乳之子膈有滯痰口氣焮熱含乳不
睡熱氣所吹遂生結核於初起時便須忍痛捺令
軟吮令汁透自可消散失此不治必成癰癤治法疎
厥陰之滯以青皮清陽明之熱細研石膏行汚濁之
血以生甘草節消腫導毒以瓜蒌實或加沒藥青橘
葉皂角針金銀花當歸頭或湯或散加減隨意消息
然須以少酒佐之若加以艾火兩三壯於腫處其効
尤捷彼村工喜於自銜便妄用針刀引惹拙病良可
哀憫若夫不得於夫不得於舅姑憂怒鬱遏時日積
累脾氣消沮肝氣橫逆遂成隱核如鼈棋子不痛不
痒十數年後方為瘡陷名曰妬巖以其瘡形嵌凹似
巖穴也不可治矣若於始生之際便能消釋病根使

心清神安然後施之治法亦有可安之理予族姪婦年十八歲時曾得此察其形脉稍實但性急躁伉儷自諧所難者後姑耳遂以單方青皮湯間以加減四物湯行經絡之劑兩月而安。此病多因厚味濕熱之痰停蓄膈間與滯乳相搏而成又有滯乳因兒口氣吹嘘而成又有拗怒氣激滯而生者煨石膏燒樺皮瓜蒌實甘草節青皮皆神效藥也婦人此病若早治之便可立消有月經時悉是輕病五六十後無月經時不可輕易看也。薛男子房勞恚怒傷於肝腎婦人胎產憂鬱損於肝脾若焮痛寒熱當發散表邪

腫焮痛甚當清肝消毒並宜隔蒜灸不作膿或膿成不潰托裏散為主不收斂或膿清稀補脾胃為主若膿出反痛或作寒熱氣血虛也十全大補湯體倦口乾中氣虛也補中益氣湯肺熱內熱陰血虛也八珍湯加五味子欲嘔作嘔胃氣虛也香砂六君子湯食少作嘔胃氣虛寒也前湯加藿香食少泄瀉脾氣虛寒也前湯加炮黑乾薑若勞碌腫痛氣血未復也八珍湯倍用參苓歸木若怒氣腫痛肝火傷血也八珍加柴胡山梔若肝火血虛而結核者四物湯加參朮柴胡升麻若肝脾氣血虛而結核者四君子加芎歸

柴胡升麻鬱結傷脾而結核者歸脾湯兼瓜蒌散若
鬱怒傷肝脾而結核不痒不痛者名曰乳岩最難治
療苟能戒七情遠厚味解鬱結養氣血亦可保全
內托升麻湯 治婦人兩乳間出黑頭瘡頂陷下作
黑眼并乳癰初起者亦治

升麻

葛根

連翹

當歸身

黃蘗

黃芪

牛蒡子

甘草

肉桂

右作一服水壹鍾酒半鍾煎至壹鍾食後服
又方 治婦人乳中結核

升麻

連翹

甘草節

青皮

瓜蒌仁

右作一服水貳鍾煎至壹鍾食後細細呷之

乳癰

青皮

瓜蒌

橘葉

連翹

桃仁

皂角刺

甘草節

如破多加參芪

神効瓜蒌散 治乳癰乳巖神効丹溪亦云妙捷恐
貧賤之家未能辦集者用後蒲公英草尤妙

瓜蒌

生甘草

當歸

酒浸焙
各半兩

乳香

另研

沒藥

另研各
貳錢半

右為末用無灰酒參升於銀石器內慢火熬取壹升清汁分作三服食後良久服如有疔巖便服此藥可杜絕病根如毒氣已成能化膿為黃水毒未成即於大小便中通利如疾甚再合服以退為度○立効散與此方間服神妙但於瓜萋散方減去當歸加紫色皂角刺壹兩陸錢是也

究原五物湯

癰疽發背乳癰通用

括萋

研壹枚

皂角刺

半燒
帶生

沒藥

各半兩

乳香

甘草

各貳錢半

右麤末以醇酒參升煎取貳升時時飲之痛不可忍立止

連翹飲子

治乳癰

連翹

川芎

瓜萋

皂角針

橘葉

青皮

甘草節

桃仁

各貳錢

右作一服用水貳鍾煎至壹鍾食遠服已破者加參芪當歸未破者加柴胡升麻

清肝解鬱湯

治肝經血虛風熱或肝經鬱火傷血

乳內結核或為腫潰不愈凡肝膽經血氣不和之

症皆宜用此藥

人參 去蘆

茯苓

貝母 去心

山梔 炒

熟地黄

芍藥 各壹錢

白朮

當歸 各壹錢

柴胡

川芎

陳皮 各捌分

甘草 伍分

牡丹皮

右水煎服

復元通氣散

治婦人發乳癰疽及一切腫毒

木香

茴香

青皮

穿山甲 酥炙

陳皮

白芷

甘草

漏蘆

貝母

去心黃連製各等分

右為細末每服參錢好酒調下

消毒散

治吹乳乳癰并便毒如增寒壯熱或頭痛

者宜先服人參收毒散一二服方可服此藥如無

前證即服此藥二三劑或腫不消宜服托裏藥

青皮 去白

金銀花

天花粉

柴胡

僵蠶 炒

貝母

當歸 酒拌

白芷 各貳錢

用水貳鍾煎至壹鍾食遠服如便毒加煨大黃壹

錢空心服

本草蒲公英草味甘平無毒主婦人乳癰腫水煮汁

飲之及封之立消
 卅蒲公英在處田間路側有之三四月開黃花似菊味甘解毒散滯意其可入陽明太陰經洗淨細研以忍冬藤濃煎湯入少酒佐之隨手便欲睡睡覺已失之矣

兵部手集方 治疔乳硬欲結膿服此即消

用鹿角於瓮石上磨取白汁塗之乾又塗不得近手并以人啣却黃水一日許即散或用鹿角剉為極細末酒調貳叁錢服亦効。孕婦忌服

乳癰初發方

貝母為末每服貳錢溫酒調下即以兩身覆之卓上垂乳良久自通

時康祖為廣德宰事張王甚謹後授溫倅左乳生癰繼又胸臆間結核大如拳堅如石荏苒半載百療莫効已而牽掣臂腋徹于肩痛楚特甚亟禱王祠下夢聞語曰若要安但用薑自然汁製香附服之覺呼其子檢本草視之。一物治證相符訪醫者亦云有理遂用香附去毛薑汁浸一宿為末貳錢米飲調方數服瘡膿流出腫硬漸消自是獲愈。○一婦人稟實性躁懷抱久鬱左乳內結一核按之微痛以連翹飲子二

十餘劑少退更以八珍加青皮香附桔梗貝母三十餘劑而消

張氏橘皮湯 治乳癰未結即散已結即潰極痛不可忍

可忍者神效因小兒吹乳變成斯疾者並皆治之

用陳皮湯浸去白曬乾麵炒微黃為細末麝香研酒調貳錢初發

覺赤腫疼痛一服見效

川乳癰初發腫硬一服瘥用真樺皮為末酒服方寸匕

睡醒已失出靈苑方

羅勝金丹 治婦人吹乳極有神效用百齒霜即木梳上

接右一味不拘多少用無根水為丸如梧桐子大每

服參丸倒流水送下食後令病左乳者左卧右乳

右卧於温處汗出愈用新汲水傾於房上接之乃倒流水也

圖經治婦人妳疼痛不可忍用穿山甲炙木通各壹兩

自然銅生用三味搗細末每服貳錢温酒調下無時

簡易獨聖散 治婦人吹妳

白丁香半兩搗羅為末每服壹錢七温酒調服無時

雲岐治婦人吹乳皂角散歌曰

婦人吹乳意如何皂角燒灰蛤粉和煖酒壹盃調

壹字頃間揉散咲呵呵

又方

清之

乳香研壹錢 瓜蒌根末兩壹 右研勻温酒調服貳錢
產後乳膨以大麥芽壹兩炒研煎湯飲之自消

丹楊孺人乳腫痛

青皮

石膏煨研

連翹

皂角刺炒

黃藥子

當歸頭

木通各壹錢

甘草生叁分

作一貼入好酒些少同煎飲之又有別藥洗腫處
義上孺人平時乳內有結核不為痛忽乳邊又有一
腫核却頗有些痛

黃芩

川芎

木通

陳皮各肆錢

人參貳錢

大腹皮叁錢

炙甘草

生甘草

當歸頭

芍藥各壹錢

右分二貼煎服

工孺人但經將行而乳腫先兩日發口乾而不渴食
少減脉左弦帶數右却平沿用四物湯加陳皮白朮
茯苓帶熱下與點丸叁拾粒

一後生作勞風寒夜熱左乳痛有核如掌脉細澁而
數此陰滯於陽也詢之已得酒遂以瓜蒌子石膏乾
葛台芎白芷蜂房生薑同研入酒服之四貼而安
一婦人內熱脇脹兩乳不時作痛口內不時辛辣若

婦人

小

百

卧而起急則臍下牽痛此帶脉為患用小柴胡加青皮黃連山梔二劑而瘥。○一婦人發熱作渴至夜尤甚兩乳忽腫肝脉洪數乃熱入血室也用加味小柴胡湯熱止腫消。

醫者下之

雲岐連翹湯 治產後妬乳并癰

連翹 升麻 芒硝各壹兩

玄參 芍藥 白欬

防已 射干各捌錢 大黃貳錢

甘草陸錢 杏仁肆拾枚 去皮尖

右咬咀以水陸升煮貳升下大黃次芒硝分三

○一儒者兩乳患腫服連翹飲反堅硬食少內熱胸脇作痛日晡頭痛小便赤澁此是三陰虛而兼鬱怒前藥復損脾肺先用六君加芍歸柴胡山梔四十餘劑元氣復而自潰仍作痛惡寒此氣血虛也用十全大補湯六味丸而愈。○封君表陽溼左乳內結一核月餘赤腫此是三陰虛兼怒氣所致用八珍加柴梔丹皮四劑赤腫漸退內核漸消又用清肝解鬱湯而愈時當仲秋兩目連劄肝脉微弦此肝經火盛而風動也更加龍膽草伍分并六味地黃丸而愈若用清熱敗毒化痰行氣鮮不誤者。○一儒者兩脇作脹兩乳

作痛服流氣飲瓜蒌散半載後左脇下結一塊如核
 肉色不變勞則寒熱此鬱結氣傷而為患虛而未能
 潰也八物加柴胡遠志貝母桔梗月餘色赤作痛膿
 將成矣又服月餘針之出膿碗許頓然作嘔此胃氣
 虛而有痰也令時啗生薑服六君子湯嘔止加肉桂
 而瘡愈彼後出宰每傷勞怒胸乳仍痛并發寒熱用
 補中益氣加炒山梔愈○一婦人久鬱右乳內腫硬
 用八珍湯加遠志貝母柴胡青皮及隔蒜灸兼服神
 效瓜蒌散兩月餘而消○一婦人左乳內腫如桃不
 痛不赤發熱漸瘦用八珍加香附遠志青皮柴胡百

餘劑又兼服神效瓜蒌散二十餘劑膿潰而愈○一
 婦人因怒左乳作痛發熱表散太過腫熱益甚用益
 氣養榮湯數劑熱止膿成不從用針腫脹熱渴針膿
 大泄仍以前湯月餘始愈此證若膿未成未破有薄
 皮剝起者用代針之劑其膿自出不若及時用針不
 致大潰若膿血未盡輒用生肌反助其邪慎之○一
 婦人膿清腫硬面黃食少內熱晡熱自汗盜汗月經
 不行此肝脾氣血俱虛用十全大補加遠志貝母及
 補中益氣各三十餘劑外用葱熨患處諸證尋愈○
 一婦人膿成脹痛欲針之不從數日始針出敗膿三

四碗許虛證蜂起幾至危殆用大補兩月餘而安若
 元氣虛弱不作膿者用益氣養榮湯補之膿成即針
 若腫痛寒熱怠惰食少或至夜熱甚用補中益氣兼
 逍遙散補之為善○一婦年二十有五素虛弱多鬱
 怒時疫後脾胃愈虛飲食愈少又值氣忿右乳脇下
 紅腫應內作痛用炒麥麩熨之腫雖稍散內痛益甚
 轉側胸中如物懸墜遂與加減四物湯內腫如鷲卵
 外大如盤胸脇背心相引而痛夜熱勢甚時治者皆
 以攻毒為言薛云此病後脾弱而復怒傷肝治法惟
 主於健脾氣平肝火則腫自消而病自愈矣定方以

八物加陳皮黃芩柴胡山梔白芷服八劑
 去白芷加青皮木香桔梗又六劑而全愈
 之劑病胡能瘳

葛稚川方 治婦人乳癰

人牙齒 燒存性

右為極細末以酥調塗貼癰上

敷乳方

天南星

生半夏

皂角針

燒帶性 各參分

白芷

草烏

直僵蠶

焙各 壹分

右細末多用葱白研取汁入蜜調敷若破瘡口作

膏藥貼

丹溪云一婦人年六十厚味鬱氣而形實多妬
夏無汗而性急忽左乳結一小核大如棋子不痛自
覺神思不佳不知食味絕半月以人參湯調青皮甘
草末入生薑汁細細呷一日夜五六次至五七日消
矣此乃妬岩之始不早治隱至五年十年已後發不
痛不痒必於乳下潰一竅如巖穴出膿又或五七年
十年雖飲食如故洞見五內乃死惟不得於夫者有
之婦以夫為天失於所天乃能生此謂之巖者以其
如穴之嵌呀空洞而外無所見故名巖患此者必經
久淹延惟此婦治之早正消患於未形餘者皆死凡
十餘人又治一初嫁之婦只以青皮甘草與之安○
隆慶庚午予自秋闈歸則亡妹已病蓋自七月乳腫
痛不散八月用火鍼取膿醫以十全大補湯與之外
敷鐵箍散不效反加喘悶九月產一女潰勢益大而
乳房爛盡延及胷腋膿水稠粘出膿幾六七升略無
斂勢十一月始歸就醫改用解毒和平中劑外搽生
肌散龍骨寒水石等劑膿出不止流濺所及卽腫泡
潰膿兩旁紫黑瘡口十數胷前腋下皆腫潰不可動
側其勢可畏余謂產後毒氣乘虛而熾宜多服黃芪

解毒補血益氣生肌而醫不敢用十二月中旬後益甚瘡口廿餘諸藥盡試不効始改用予藥時膿穢粘滯煎楮葉豬蹄湯沃之頓爽乃治一方名黃芪托裏湯黃芪之甘溫以排膿益氣生肌為君甘草補胃氣解毒當歸身和血生血為臣升麻葛根漏蘆為足陽明本經藥及連翹防風皆散結踈經瓜蒌仁黍粘子解毒去腫皂角刺引至潰處白芷入陽明敗膿長肌又用川芎三分及肉桂炒槩為引用每劑入酒一盞煎送白玉霜丸踈膿解毒時膿水稠粘方盛未已不可遽用收澁之藥理宜追之以翠青錠子外搽明日膿水頓稀痛定穢解始有向安之勢至辛未新正處處皆生新肉有紫腫處俱用葱熨法隨手消散但近腋足少陽分尚未斂乃加柴胡一錢青皮三分及倍川芎膿水將淨者卽用搜膿散摻之元宵後遂全安○萬曆癸卯二月時侍御趙蓋菴提學南畿托敕縣令致意約會于茅山予以館誼不容辭特往赴之則有病欲求治也袒其胸左乳側瘡口大如椀惡肉紫黯嶙峋嵌深宛如巖穴之狀臭不可近予問何從得此曰館試屢下意不能無鬱夏月好以手捋乳頭遂時時有汁出或曰是真液也不可泄因覆之以膏藥

汁止而乳旁有核既南來校閱勞神乳核輒腫痛一書吏頗知醫謂汁欲出而為膏藥所沮又不得歸經故滯為核聞婦人血上為乳汁今汁亦血類也宜飲芎歸酒行其滯血核自消矣吾以為然而飲之核如故而吐血衄血大作飲京口張醫藥吐衄止而腸風作張矜自功謂血從下出者順然體則重困矣復飲他醫藥使血亦止乳核之勢日益張遂至於潰一草澤醫能煉砒治痔漏私計此亦漏瘡也納藥其中痛欲死潰不可支故至此予意在法為不治而見其精神尚王飲噉自如無甚惡候尚可延引歲月為之安方而別後校士廣陵不相聞問遂改用它醫藥至八月初以滯下發噉死夫男子患乳巖者少矣其起又甚微眇而三為盲醫所誤遂至此砒誠不可納也芎歸何罪乎不可不書之以為後鑒

○ 蒲公英草搗爛盪患處神妙。○ 天南星末以溫酒調塗之。○ 治婦人乳痛成癰以益母草為末水調塗乳上一宿自瘥生搗爛傳之亦得。○ 婦人吹乳用桑樹飯搗成膏貼之。○ 乳頭裂破丁香末傳之。

癰

乳中穴

在乳下中針入皮向後壹寸半灸瀉

分浴

甲乳癰

寒熱短氣卧不安膺窓主之。○ 乳癰淒素寒熱痛不

可按乳根主之。○大驚乳痛染血主之。○乳癰有熱

三里主之。乳癰諸藥不能止痛者。○女子乳癰驚巨

虛下廉主之。千金云臂腫重。○乳癰太衝及復溜主

之。○妬乳太淵主之。○婦人乳餘疾盲門主之。

元祿奉本八月十日午後採了今日天氣快晴料

知今夕明日欲不識明夜陰晴先可看星今夕

文化乙丑

醫部
夕和
百四
可按乳根主之。○大驚乳痛染血主之。○乳癰有熱
三里主之。乳癰諸藥不能止痛者。○女子乳癰驚巨
虛下廉主之。千金云臂腫重。○乳癰太衝及復溜主
之。○妬乳太淵主之。○婦人乳餘疾盲門主之。
元祿奉本八月十日午後採了今日天氣快晴料
知今夕明日欲不識明夜陰晴先可看星今夕
文化乙丑

